

20.  
Q. F. S.

DISSERTATIO GRADUALIS

De

TERMINIS

POTESTATIS  
PATRIÆ,

Qvam,

Consentiente Ampliss. Facult. Philosoph.  
in Reg. Acad. Aboënsi,

Sub PRÆSIDIO

CL. VIRI,

Mag. ALGOTHI A.  
SCARIN,

Hist. & Phil. Civil. Profess. Reg.  
& Ordin.

*Publico examini modeſte ſubjicit*

GEORGIUS HELSINGIUS Fil.  
*Wiburgensis.*

Ad diem 20. Maji, Anni MDCCXXXII.  
*Horis locogꝫ ſolitis.*

---

ABOÆ, Exc. R, Ac. Typ. Joh. Kiämpe.

# CONSPECTUS.

- §. I. Parentum in problem jus & potestatem ostendit.
- §. II. Potestatis illius fundamentum adferit.
- §. III. Quousq; potestas illa se extenderit apud Romanas & ceteras gentes, disquirit.
- §. IV. Veterum Suionum in liberos suos potestatem persequitur.
- §. V. In terminos, jure Naturali sanctos, inquirit.
- §. VI. Liberos exponendi jus parentibus nullum competere afferit.
- §. VII. Etjam ex delicto jus vitae & necis parentibus derogat.
- §. VIII. Exheredandi quoque & abdicandi jus ipsis denegat.
- §. IX. Vendti aut oppignorari liberos posse afferit.
- §. X. Juris istiusmodi quicquid sibi patres olim vindicaverint, non patriæ potestati, qua tali, sed pristinæ majestrati domesticæ adscribendum, censet.
- §. XI. Reliquias hujusce juris in civitate, præcipue vero in monarchicis imperiis dari, in fine explicat.

I. N. f.

§. I.

**S**CITE & ad rem apposite omnino Poëtæ Jovem dixere *Patrem hominum, quorum se Dominum gerat*, præsertim, qvum sub patris titulo Dominum complecti voluerint. Scilicet, intuitu illius pietatis, qva sibi invicem obligantur parentes & liberi, Jovis in homines imperium mere paternum haberi voluerunt, qvod in eosdem ad instar cognati generis sui, exerceceret. Sic patris nomen imperatoribus impositum fuisse, constat, non præcise *εξασιας*, seu impe-

rii & potestatis intuitu, αλλα ινα αυτοις τε της αρχομενης, ως ηγι παιδας αγαπωει; ut paterni amoris potius, quam tyrannicæ potestatis economi ne admonerentur (a). Adeo vim magnam, magnam necessitatē, magnam insuper religionem paternus honor possidet. Liberis suis parentes munera conferunt omnem remunerationem exsuperantia, vitam scilicet, alimenta, &, quod ceterorum longe maximum est, educationem: ex qua hominis dignitas & socialis vitae decus in primis elucecit. Descendit a: ex his beneficiis tanta vicissim etiam ad liberos obligatio, ut quamdiu in vivis maneant, omnibus grati animi signis partem vix asse qui possint meritorum sibi a parentibus impensorum. Habet vero se hoc eorum, puta liberorum debitum ad imperium quoddam paternum, tanquam ad suum correlatum. Et enim si parentibus obsequium praestabunt & observantiam, horum

(a) vid. Dion, Lib. 53.

in illos imperium inde arguitur,  
sine qvo Parentes non jus suum ex-  
ercere , neqve officio recte fungi,  
nedum a liberis debitam obedien-  
tiam, aliaqve vicissim officia expe-  
ctare possunt.

## §. II.

**O**riginem & fundamentum hujus-  
ce juris investiganti, ingens-  
certe momentum ad conciliandam  
huic ordini auctoritatem habere  
videtur illa assertio, qvæ imme-  
diata, & per modum potestatis a Dœo de-  
legate tributum censem. Sed de qva  
sentiendum, qvod, qvamvis speci-  
em etjam in se pietatis qvandam  
comprehendat, ab omnibus tamen  
non æque tuto admittatur; qvip-  
pe qvum eo ipso, eandem potesta-  
tem cum eo, qui delegavit, habe-  
re is videretur, qui delegatam au-  
commissam sibi potestatem exerce-  
at. Unde sum opere cavendum,  
ne ejusmodi asserto, Enisi ad hu-  
manos calculos ipsam Numinis ma-  
jesta-

festatem revocare velimus ) idem  
specie imperium, qvod in Deo est,  
in hominem finitum cadere, statu-  
ere velle videamur. Plus sibi pol-  
liceri posse videntur, qui cum Gro-  
tio ὁ πάτερ (b) hujus imperii ortum  
*ex generatione* immediate repetunt.  
Scilicet, qvod in illo actu paren-  
tes ipsum Deum qvodammodo re-  
präsentent, dum eum, qui nondum  
existit, jam existere faciunt; adeo-  
que non solum bonum omnium  
præstantissimum, *vitam*, conferunt,  
sed & ceterorum bonorum occasio-  
nem subministrant. Sed qvæ gene-  
ratio, qvamvis, ratione habita al-  
latæ rationis, vel maxime co-  
mendetur a nonnullis, totum tamen  
negotium ad patriam potestatem  
constituendam absolvere non valet.  
Proles enim, qvemadmodum per  
generationem ex substantia parent-  
um suum esse habet; ita quoque  
in personam abit parentibus simi-  
lem, ut adeo naturaliter, qvoad  
jura

(b). J. B. & P. Lib. II. cap. 5. §. 1.

jura hominibus communia, censem-  
tut ipsis parentibus æqvalis. Cum  
itaque non satis sit prolem utcun-  
que in hunc mundum projici, ut  
pote indigentia & imbecilli condi-  
tione hominis recens nati id, suo  
qvodam jure, exigente, ut certis ho-  
minibus, præcipue vero parentibus  
imponantur educationis molestiæ,  
qvibus sine imperio hi defungi nul-  
lo modo possunt, remanet ex illi-  
us, puta educationis necessitate,  
potius esse derivandum jus illud,  
de quo nunc in primis qværitur, avi-  
tum & patrium. Qvippe quo muni-  
tis. proclive erit parentibus libero-  
rum actiones, qvibus ob judicij de-  
fectum ipsi consulere nesciunt, ad  
certos fines ex æquo & bono cum  
privato tum in primis publico diri-  
gere. Cui vero pietati & imperio  
parentum cum a parte prolis reve-  
rentia & studium jussis paternis pa-  
rendi respondeat, ad majus robur  
& firmamentum hujuscce fundamen-  
ti ab aliis neque præter rem conci-

pi existimaverimus tacitum quod-  
dam pactum seu consensum libero-  
rum in illum socialitatis statum, seu  
moralem sub imperio parentum  
inæqualitatem. Quem vero consen-  
sus si in liberis, rationis usu desti-  
tutis quis non facile admiserit, fin-  
gat idem, prolem statim post or-  
tum suum, justo rationis usu illico  
instructam, quæque perspiciat eam  
sibi nascendi sortem a natura tribu-  
tam esse, ut sine aliorum ope ser-  
vari nullo modo queat: & videbit  
illico, non vellicante sensuum im-  
pulsu solum, sed in primis rationis  
ductu eandem eo festinare ardenti-  
us, unde spes salutis aliqua appare-  
at, in primis vero parentum ope  
imploraturam, illorumque semet  
imperio subjecturam. Adeo ut mo-  
menta non penitus omnia hujus  
*Pufendorfiani* (c) asserti excusisse vi-  
deantur, qui hanc speciem consen-  
sus cum ratione præsumti parum  
roboris naturaliter habere conten-  
dunt

(c) *J. N. G. Lib. VI. cap. 2. §. 4.*

dunt ad jus illud, de quo queritur,  
imperii rite constituendum.

§. III.

**E**xposito sic quidem potestatis patriæ fundamento, non ab instituto alienum erit despicere, quo usque illa se extenderit apud Romanas ceterasque gentes. Invaluit apud Romanos sicut & alibi, mos olim execrandus liberos pro arbitrio & re nata e medio tollendi. Expositionem illis usitatam fuisse, crudelis gemellorum, *Romuli atque Remi* (ut alios taceamus) sine cura abjectio luculententer testatum facit. Abdicandi quoque jus illos pro lubitu usurpare plurima exempla docent; cui tamen mori, sensim evanescenti, exhereditatio successit, fulmen parentū a *Quintiliano* vocata (d). Patri quoque liberos vendere leges XII tabularum, a Decemviris latæ & in ordinem digestæ, permiserunt: ea legibus  
(d). vid. Jo. Balth. Wernher. diff. J. N. diff. VIII. p. 255.

gibus admixta severitate, ut, si ipsos se in libertatem vindicarent liberi, aut ab emtoribus manumitterentur, iterum ac tertio venundari posse voluerint (*e*). Extendebant etiam patriam suam potestatem Romani usque ad vitam & necem liberorum. Cujus rei exempla plurima adfert Arniseus (*f*). Observandum porro est, quod haec potestas exercebatur non solum in liberos, in familia paterna adhuc constitutos, sed & illos, qui jam familiæ propriæ capita audirent (*g*). Quid eandem potestatem in adoptivos filios sibi adoptantes non raro arrogavere patres, ita ut, quam commodorum, eandem incommodorum cum genuina familiæ subole

(*e*) Bodin. de rep. lib. I. c. 4. p. m. 22. conf. Pufend. J. N. G. lib. VI. c. 2. §. 9. p. 872. ubi quoque aliarum gentium, idem jus exercentium, exempla adducit. (*f*) de rep. Cap. IV. sect. 2. §. 2. p. m. 234. & alibi passim. (*g*) Grot. J. B. P. lib. II. c. 5. §. 7.

le communionem illi quoque experiri necessum habuerint (*b*). A tanta vero inhumanitate cum non abhorruerint Romani parentes, quod graves & horrendæ liberorum coercitiones apud eos, magis crebro invaluerint, haud difficulter quisque videt. Qued ad ceteras gentes attinet, eandem cum Romanis, in exercenda patria potestate, ingressæ sunt viam: adeo ut, quæ materiale quidem, ceu Philosophi loqui amant, a Romanis adeo non multum dissenserint; licet, quoad formale, diversitas se nonnulla prodiderit, majorum institutis a singulis accommodata. Sic Ægyptios, Persas, Indos, Æthiopes, Hispanos, Gallos, Germanos, aliasque longe plurimas nationes, idem imperium, acerbitate majori modo, modo etiam lenitate, exercuisse, penes scriptores obvium est videre (*i*).

#### §. IV.

(*b*) Bodin. loc. cit. Arnis. loc. cit. p. m. 236. (*i*) Arnis. loc. cit. p. m. 237. sq.

## §. IV.

**T**RAGICÆ asperitatis, quæ ceterarum gentium tantum non omnium fuit, per' omnia exfortes fuisse veteres Sviones historiæ illorum legesque vetustæ non finunt affirmare. Patriam potestatem nullis, nisi naturalibus insiti affectus atque conscientiæ limitatam legibus, adeoque regia hodierna quavis absolutiorem, quin extendere in infinitum, adeoque ad vitæ necisque jus supremum, nemine prohibente, potuissent, nullum esse dubium censet nobiliss. Wilde, historiæ pragmaticæ Svioniæ nostræ nuperrimus idemque adcuratissimus Scriptor (k). Et certe occurrunt in annalibus exempla juris illius extremi, puta vitæ ac necis, pari ac apud ceteras gentes crudelitate exerci-

Pufend. loc. cit. §. 6. p. 858. sq. §. 12. p. 878. seq. Wernher. loc. proxime cit. conf. dissert. Aboæ, A:ō 1728. habita, de Expositione veterum &c. cap. 2. Tb. 1. p. 23. sqq. (k) Hist. pragm. Svec. cap. II. §. 16. 1.

erciti. Sed illa , ut rariora , loco-  
que adeo non publico & illustri  
posita , honestæ gentis famæ , pa-  
rum aut nihil omnino derogabunt .  
Certe expositionem infantum non  
nisi summe egenis jus Odinianum  
permisit . Et si qvæ civium superflua  
excreceret multitudo , ita ut one-  
ri esse civitati inciperet , eandem  
non vita donatam pro arbitrio mo-  
ri coegerunt scita ævi illius ; sed  
per crebras & continuas emigratio-  
nes potius exoneraverunt , ut fa-  
mem mortemque suis ipsa viribus ,  
quantum fieri posset , averteret . Un-  
de quoque primum erit videre , non  
solum curam majorum in educati-  
one & defensione liberorum elu-  
xisse , sed vulgo jus sibi neque ma-  
jus arrogasse parentes , quam quod  
ad illum finem obtainendum faceret .  
Potius liberorum suorum mores  
gravitate regebant , emendabant  
consilio , & , si quando opus esset ,  
ficta quasi & simulata severitate mo-  
dice castigabant . Parentum impe-

rio non refragabantur liberi; sed  
judicio eorum stare, arbitrioque  
aequiescere, a natura & adsvetudi-  
ne quasi edocti videbantur. Et mo-  
dum in castigando si forte excesser-  
rint parentes, pœnam magis in ju-  
ris privatione, quam aliquaque corpo-  
ris afflictione, recentiorum tem-  
porum institutis sanctitatem legimus.  
Durabat vero haec patria potestas,  
de jure vetusto, per omnem saepè  
liberiorum vitam; ita ut filius, quam-  
vis uxoratus, in patris potestate  
fuerit cum tota familia, & quam-  
diu cum patre cohabitaret, nil si-  
bi sed patri acquisiverit: Imo, si  
quid liberis hereditate aut alia qua-  
cunque ratione honesta obvenisset,  
morientibus iis non pater succee-  
rit, sed avus. Interim tamen & id  
observamus, emancipationem his  
in usu fuisse; adeo ut pater filium,  
publice & in judicio, a potestate  
sua subinde liberaret, datis ei bo-  
nis maternis, &, quantum vellet,  
ex suis. Quemadmodum hanc ve-  
teris

teris ævi potestatem patriam apud Sviones nobiliss. Stiernhökius in suo *jure Sviōnum* verusto pluribus expressam voluit. Ex his demum colligimus, potestatem patriam antiquitus in Svecia illimitatam, & ad liberos, ubicunqve essent, arbitrario jure extensam fuisse. Sed qvæ, uti modo dictum, communiter ita temperata tamen, ut liberi non tam lævitia, quam judicio & auctoritate regi se cernerent.

### §. V.

**P**Erspectis ita qvidem variis variarum gentium exercendæ patriæ potestatis moribus atqve institutis, qui termini jure naturali sanciti sint, porro dispiciamus. Qui ut rite accurateqve constituantur, distincte agamus necesse est. In statu naturali, ubi rei civilis nihil homines intercedit, qvin major vis sit potestatis hujus, eademqve partibus multo quam in republica plu-

pluribus absolvatur, nullum est dubium. Certe non dubitabit, quisquis societatem neque in familiis segregibus sine imperio conservari potuisse cogitaverit, pariterque caussam meminerit illam, cur in republica civitatum rectores plenarium usum pristini juris patribus familiarum derogaverint. Atque inde factum quoque existimamus, quod in pristino statu illo parentes sibi merito assuerint duriores, & quae poenae rationem haberent ex delicto, animadveriones. Pater vero ut talis, & qui in civitate vivit, quemadmodum liberos suos educare tenetur; ita neque maiorum in illos potestatem habeat oportet, quam quanta ad educationis munus rite obeundum opus habet. Idque non de nihilo. Quoties enim jus naturae ad aliquid obligat, recte presumitur illud quoque dare facultatem illa admoveendi media, sine quibus finis iste obtineri nequeat. Hoc ergo imperium

um cūni ab educatione, utpote si-  
 ne, mensuram capiat, majorem  
 utique potestatem minime conce-  
 dit, qvam qvæ prolis educandæ fini-  
 respōdeat. Unde etjam, in casu de-  
 hēti, non nisi ad modicam, & qvam  
 tenera ætas perferre potest, castiga-  
 tionem, qvæ fit solius emendatio-  
 nis & desuetudinis caussa, se exten-  
 det. Nempe, qvod in illa immatu-  
 ra ætate liciti & illiciti h. e. legis  
 intelligendæ nondum capaces sint,  
 ejusqve auctoritati ex malitia & do-  
 lo se etjamdum opponere nesciant.  
 Qvod si vero pater simul sit instru-  
 ctus maiestate domestica, aut civi-  
 tatis integræ princeps fuerit, uti-  
 que per modum sententiaæ & pœnaæ  
 forensis in delicta liberorum suorum  
 juste animadvertere potest, qvum  
 hujuscce respectu juris liberi eodem  
 modo ac subditi considerandi veni-  
 ant. Cetera jura, qvæ pro diver-  
 sa liberorum ætate, in singulos pa-  
 tri, ut tali, competunt, qvia ad in-  
 stitutum nostrum adeo non directe

B . . . . . pet-

pertinent, in præsentia indicasse  
saltem nobis satis crit.

### §. VI.

**H**isce vero arctioribus patriæ po-  
testatis limitibus rite positis at-  
que constitutis, liquido adparet, jus  
liberos exponendi, salva æqualitate  
naturali, parentibus non compete-  
re. Quidam qui perfecto quodam  
justitiae expleticis dictamine obli-  
gantur ad præstanda liberis ea offi-  
cia, quæ tenera illa ætas suo quo-  
dam jure exigit. Liberis hinc na-  
scitur jus quoque perfectum paren-  
tibus impiis etiam invitatis ea ex-  
torquendi, sine quibus ipsorum vi-  
ta conservari non potest. Illa igi-  
tur liberis præbeant oportet paren-  
tes, quæ ad ipsorum vitam, tum  
naturalem tum quoque civilem,  
necessaria sunt, & Pufendorfio (1).  
*alimentorum* nomine veniunt. Quæ  
si liberis denegare sustineant, quod  
omnino fit per expositionem, juris

naturalis præceptum de alendis & educandis liberis inde violari, in aprico posita res est. Ut de innato illo, qvem omni animantium generi natura insevit, adfectu sensuali nil dicam, cujus in se fervorem & imperum, ne per abusum rationis suæ parentes extinguant, animalia rationis expertia, ipsos non raro commonefaciunt; qvippe qvæ ardenter & solicite, nonnunquam manifesto cum vitæ discrimine, dimovere conantur, qvæ ad destructionem pullorum qvocunq; modo tendant. Quid? qvod & iurium humanorum, in qvæ etiam tenelli, tanquam homines, veniunt, communioni vis infertur ea, qvæ, si non parentes a nefando proposito læviendi in propria viscera arcre possit, eosdem reos certe constituit ejus criminis, quo membrum societati humanæ vel auferatur, vel saltem auferri tentatur.

## §. VII.

**D**E cetero neque ex delicto parentes, quia tales, juris sibi qvicqvā acquirunt in vitam liberorū. Nempe, cum patria potestas plus sibi arrogare non possit, quam, quantum opus fuerit ad honestam educationem, ea qvæ obligatio exspirat, quia liciti & illiciti capaces evadunt liberi, legumq; auctoritati ex maliitia & dolo se opponere possunt. Hinc quoque si quid gravius egerint minorennes, quamvis pubertati proximi, e. g. si puer alter alterum ex temeritate & ferocia juvenili in amnem & mortem propelleret, non pœna publica vitæ afflictiva, sed graviore castigatiōe domestica privatim afficiendus erit. Idque non ex natura alicujus præcedentis delicti, id quod requirit capacitatem legis intelligendæ, sed emendationis & desuetudinis caussa saltem, ne vel ipse, vel, illius exemplo, alii in eundem offensionis lapidem impingant, Qvod si vero graviore ista increpatio-

tione privata a peccando dimoveri  
nullo modo possint, sed ex facti  
circumstantiis eosdem per malitiam  
& fraudem egisse liquido appareat:  
tum ex legibus pro modo imperii,  
qvod in familiam exercet, vel ipse  
puniat, vel, si graviori regno sub-  
stet, magistratui civili plectendum  
deferat. Ita vero cum comparata  
sit potestas patris abstractive con-  
siderata, prout modo innuimus, per  
omnia certe non possumus proba-  
re illum veterum Persarum morem,  
qui, quamvis non in familiis segre-  
gem, sed in regno & republica ci-  
vilem vitam agerent, vita necisq;  
arbitrium sibi in uxores & liberos  
promiscue permiserunt, in modum  
lactucarum, surculos stirpis suæ vi-  
gori noxios, sine dolore resecantes  
(m). Imo de Romanis constat, qvod  
licet rem publicam jam administra-  
ret filius, idque summa cum laude  
& vita innocentia, sive flagellis cæ-  
deret sive perire eundem vellet pa-  
ter,

(m). *Aelian, var. hist. lib. I. cap. 34.*

ter, non consul, non tribunus plebis, non ipsa turba, et si aliam omenem sua potestate minorem existimaverit, fulmen brutum avertere, mortique adjudicatum filium servare potuerit (*n*).

### §. VIII.

**U**ltimum animadversionis genus, ad quod descendere parens potest, exhaerationem & abdicationem esse, sunt qui existiment. Neimpe, si, obstinatione quadam male agendi, familiæ famam incolumentemque intervertat filius, pluribusque præmissis cohortationibus ac coercitionibus ad temeritatis emendationem parens nil proficiat. Sed videntur nobis liberi jure meritoque excipiendi a fulmine tam atrocis excommunicationis, præsertim in illa ætate, qua disciplinæ domesticæ adhuc substant, dum spes neque de-

(*n*) Dion. Halic. antiqu. rom. lib. II.

desperata penitus omnis emendationis, neqve per etatem capaces sunt, qui committant tam atroci fulmine necessario expianda (o). Accedit & illud, qvod forte in culpa ipsi parentes fuerint tantæ liberorum proterviae, puta, ipsis indulgendo, aut alio qvocunqve modo vitia eorum, saltem indirecte, adprobando. Quin & id interdum evenit, ut de levibus admodum causis, liberos omni bonorum participatione parentes privent. Adeo ut vel hoc intuitu parentes male sibi ejusmodi jus vindicent. Unde etjam, ne parentes, forte stolidæ magis pertinaciæ, qvam rationi obtemperantes, hæreditate liberos inhumaniter excludant, & ne auctoritate sua in liberos abutaneur in fraudem boni publici, aut iniqvam eorundem oppressionem, leges civiles prudenter carent.

## §. IX.

(o). conf. Proverb. XIX. v. 18. 19.

**N**E autem omnes jus parentibus denegare videantur; liberos vendendi aut oppignorandi jus ipsis secundum naturam tribuerit non dubitamus. Ea tamen cautione adhibita, ne id fiat, nisi in extrema inopia, adeo ut nullum aliud superfit sui aut liberos servandi remedium. Non negamus, quin eo ipso vis aliqua inferri videatur, tum naturae, tum etiam hominis praestantiae, cui nullum pretium aequaliter potest; interim tamen, ubi nulla alia ratio, vel ex sumbris publicis, alendi suppetit, praestat, filium in servitutem, saltem tolerabilem tradere, ex qua emergendi aliqua spes est, quam fame, extinguitur. Censetur quippe natura ipsius dare ad omne id, sine quo obtineri non potest, quod ipsa imperat. Omnis vero tum certe ab hoc negotio iniuritatis presumtio aberit, si in temporariam saltem filii servitutem parentis consentiat, sibiique jus retrahen-

bendi, tempore quocumque, sive definito sive indefinito, integrum stipulatus fuerit. Hujusce adiectae conditionis intuitu, ubi ex dira necessitatis lege ad laufiorem conditionem eluctari potuerit, parenti utique semper licebit filium redimere, praesentim, quum non ipsum jus, quod formaliter sibi per generationem & educationem parens acquisivit, in emtorem transferat, sed ejus tantum effectus, puta operas atque labores filii, eos quos subire posse aestimationis rationem non facile quisquam negaverit.

### S. X.

**H**ujuscemodi autem quicquid sibi patres olim vindicavere juris in liberos, tantum abest, ut unice patriæ potestati, qua tali, ut potius pristinæ majestati domesticæ adscribendum censeamus. Cujus non uno momento omnia jura absorpsit civile imperium, quin eodem

dem introducto multæ in familiis  
reliquiæ pristini status diutissime  
remanerent. Qvanvis enim pri-  
mi mortales ex infida & insidio-  
sa illa, utut libera, vitæ condi-  
tione, qvæ ante subjectionem ci-  
vilem invaluit, sensim transierint  
in principis alicujus imperium,  
nobis tamen videntur segregum fa-  
miliarum saltem capita non adeo  
oblivisci potuisse pristinæ suæ li-  
bertatis & independentiæ, ut ab-  
soluta & arbitrario unius dominio-  
se & omnia pristina sua jura si-  
mul & semel mancipaverint. Qvin-  
potius illa tantum jura pristinæ  
majestatis suæ domesticæ principi  
præsumuntur contulisse, qvæ exten-  
nam saltem familiæ incolumitatem  
concernerent: iis partibus, qvæ  
ad internam familiæ directionem  
spectarent, qvæque domi se inpri-  
mis exserunt, sibi intra familiam  
in posterum quoque reservatis.  
Atqvi hinc arcessendum existimave-  
rimus longum illum morem, qui  
po-

postea in familiis privatis circa exercitium horum iurium obtinuit. Quemadmodum etiam in aliis atque aliis regionibus, ubi liberior reipublicæ species invaluit, nonnulla horum in liberos iurium, ex arbitrio civium privato adhuc dispensantur. Quæ tamen gentium moratorum consensu, ceteris civilis imperii partibus, maximam partem hodie annumerantur.

### §. XI.

**A**Ntequam terminum huic dissertationi figimus, libet inquire, num, sicut status naturalis hodie quoque reviviscentis; ita potestatis illius, quam olim obtinere capita familiarum segregum, non plane abolitæ simulacra aliquæ etiamnum in imperiis residua habeamus? Certe, si monarchicum inspicerimus imperium, videtur illud non multum ab illa pristina & familiaris imperii indole discedere.

In

In illa forma, præsertim ubi absolute invaluit, prout ex unius imperantis voluntate & arbitrio, omnium imperii jurium administratione in solidum dependet, non illorum modo, quæ ad rem publicam pertinent, sed eorum etiam, quæ privatim aulæ principalis in columitatem concernunt: Ita vel ex eo primum erit videre, in distinctione parentum principum esse subolem eorum omnem, non ex fine educationis solum, sed juxta quoque delicto: si quid ad turbandam publicam in columitatem necessarii aut impii adversus parentem regem atque Dominum suum machinari ausa fuerit. Et cujusmodi a parentibus Dominis serverissime exerciti imperii in animalibus rerum orbe gestarum prope innumeras suppetunt exempla. Illud in veteri Romana historia decantatissimum Titi Mantii Torquati consulis, quem ingenita parentibus liberorum caritas permovere non potuit, quin filia

filium suum, adversus edictum in  
 hostem pugnantem, securi per-  
 cuteret, nunc non moveo. Ne-  
 que *Philippi II.* Hispaniarum re-  
 gis, qvi *infantem* primogenitum,  
 eundemque futurum imperii suc-  
 cessorem, cum regnum habere,  
 qvam exspectare volens, parentis  
 se imperio contumaciter oppone-  
 ret, ultimo vitæ suppicio subjicit.  
 Neminem nostrum fugit *Moschovita-*  
*rum Imperatoris* nuper defuncti re-  
 cens exemplum severitatis in filium  
 rigidissime exercitæ. Qvi cum pie-  
 tatem, & obsequium, & subjecti-  
 onem, qvam parenti Domino de-  
 beret, multis modis læsisset, nul-  
 laqve ad officium leniori increpati-  
 one revocari posset, non spem po-  
 tiundi imperii solum ignominia  
 amissionis permutavit, sed & carce-  
 re, & libertate, si non ipsa vita  
 quoque privatus fuit. Colophoni-  
 um vero dictis suffragium Clariss.  
*Vildes* non pigebit adponere, in *hi-*  
*storiæ sue pragmaticæ* opere ante lau-  
 da-

dato itidem contendentis, in omni  
ubique gentium statu politico  
primum & antiquissimum impe-  
rium fuisse monarchicum, quod  
ad pristinum statum domesticum  
illud, quam cetera, magis exacte  
quadret.

**SOLI DEO GLORIA!**

